

SCRIPT OF MORNING GOJRI NEWS BULLETIN 30APRIL 2025 1015HRS

ما رنینگ گو جری نیو ز بلیٹن مورخہ 30 اپریل 2025

یوہ آکا شوانی جموں ہے محمد اکرم تیں خبر سُنو۔

PM MEETING

وزیر اعظم نریندر مودی نے گزشتہ روز نوی دہلی مانہ اپنی رہائش گاہ ور ایک اعلیٰ سطحی اجلاس غی صدارت کی جس مانہ وزیر دفاع راجناتھ سنگھ قومی سلامتی غا مشیر اجیت ڈوبال چیف آف ڈیفنس سٹاف جنرل انیل چوہان تے ترے افواج غا سربراہان نے شرکت کی۔ یوہ اجلاس پہلگام دہشت گرد حملہ غا تناظر مانہ بلايو گيو جس مانہ ۵۲ سیاح تے ایک مقامی شخص جاں بحق ہوو۔

LOC FIRING

بھارتی فون نے گزشتہ رات جموں کشمیر مانہ سرحد ور پاکستان غی فوج غی بلاوجہ فائرنگ غو موثر جواب دتو۔ دفاعی زرائع غے مطابق پاکستان غی فوج نے نوشہرہ، سندر بنی تے اکھنور سیکٹر غا سامنے آلا علاقان مانہ فائرنگ کی۔ بارہمولہ تے کپواڑہ ضلاع مانہ وی فائرنگ کی گئی جدکہ بین الاقوامی سرحد ور پرگوال سیکٹر مانہ وی فائرنگ کی گئی۔ بھارتی فوج نے وی فوری تے موثر جوابی کارروائی کی۔

J&K WOMEN DEPORTED

جموں کشمیر مانہ تقریباً ۰۶ پاکستانی خواتین تے اُن گا بچہ جہیڑا زیادہ تر سابق کشمیری عسکریت پسندان غی بیواں ہی نانہ گزشتہ روز واگا باڈر تیں پاکستان واپس بھیج دتو ہت یہ خاندان سرینگر، بارہمولہ، کپواڑی، بڈگام تے شوپیاں ضلاع تیں تعلق رکھیں۔ ان خواتین نانہ ۰۱۰۲ غی بحالی پالیسی غے تحت کشمیر مانہ داخل ہون غی اجازت لبی تھی۔ اس تیں علاوہ پونچھ مانہ تقریباً ۵۴ سال قبل ویزا ور بھارت آن آلا پاکستانی شہریاں نانہ وی واپس بھیج دتو گيو ہے۔

DY CM BUDGET PROPOSALS

نایب وزیر اعلیٰ سریندر چودھری نے کپیکس بجٹ ۲ ہزار ۵۲،۶۲ گی تجاویز گو جائیزو ليو اس دوران اُنہاں نے زمینی سطح گا بنیادی ڈھانچہ نانہ مزبوط بنان تے ترقیاتی منصوباں گی بروقت تکمیل نانہ یقینی بنان گی ضرورت ور زور پایو اُنہاں نے نتائج ور مبنی منصوبہ بندی گا طریقہ کار نانہ اپنان ور زور دتو تے نال ہی محکمان نانہ جاری کماں گی تکمیل ور ترجیح دین گی ہدایت کی اُنہاں نے غیر ضروری تاخیر واسطے ذمہ دار ٹھیکداران گے خلاف سخت کارروائی گو وی مطالبو کیو تے کہی وجے ترقیاتی کماں نانہ زیادہ شراکت دار تے زمینی سطح ور موثر بنان واسطے منتخب نمائینداں گی رائے شامل کریں۔

ITOO WELFARE SCHEME

سماجی فلاح و بہبود کی وزیر سکینہ اتو نے جموں کشمیر مانہ سماجی بہبود کی بکھ بکھ سکیمیں گاترات گو جائیزو لیو جائیزہ گے دوران اُننے زمینی سطح ور موثر نفاذ نانہ یقینی بنان تے برادری کی زیادہ توں زیادہ شمولیت ور زور پایو وزیر نے عوامی خدمات کی فراہمی شفافیت جوابدہی نانہ کلیدی ستون گا طور ور اُجاگر کرن واسطے سب توں پہلاں شہری نقطہ نظر ور زور دتو اُنہاں نے افسران نانہ ہدایت کی کہ وے محکماں گے درمیان تال میل نانہ مضبوط کریں تے بہتر رسائی واسطے بیداری مہیم نانہ فروغ دیں وزیر موصوفہ نے شمولیتی ترقی واسطے حکومت گا عزمگو اعدو کیو تے تمام شراکت داراں ور زور پایو کہ وے عوامگی فلاح و بہبود واسطے مل گے کم کریں۔

HC JUDGES

صدر جمہوریہ نے گزشتہ روز اعلیٰ عدالتی افسران سنجے پریہار تے شاہ زاد پریہار نانہ جموں کشمیر تے لداخ ہائی کورٹ گو جج مقرر کیو۔ یہ تقرریاں اُنکا چارج سنبھالنے کی تاریخ تیں موثر وین گی۔ چیف جسٹس سنجے کہنے گی سربراہی مانہ سپریم کورٹ نانہ ججاں گی مشاورتی کمیٹی تے ۶۱ اپریل نانہ ان تقرریاں نانہ منظوری دتی تھی۔ ان تقرریاں تیں بعد ہائی کورٹ مانہ ججاں کی تعداد ۵۱ ہوگئی ہے دوئے افسران نے رجسٹرار جنرل تے پرنسپل ڈسٹرکٹ تے سیشن جج جیسا اہم عہداں ور خدمات انجام دتی ہیں۔

BILL SUVIDHA APP

ڈیجیٹل سہولیت آلے پاسے ایک قدم گا طور ور جموں بجلي تعليم کار ادارہ نے بجلي گا بل گا انتظام نانہ ہموار کرن واسطے بل سووی دھا ایپ لانچ کی ہے یاہ ایپ بجلي گا بلاں تک فوری رسائی استعمال کی سمارٹ ٹریکنگ تے کشید اکاونٹ مینیجمنٹ فراہم کرے واضع رے جے صارفین کی سہولیات نانہ بدھان گا مقصد نال یا ایپ بلاں کی دیکھ بھال مانہ شفافیت تے کارکردگی نانہ یقینی بناوے اس ایپ مانہ ریل ٹائیم ایپ ڈیٹ تے محفوظ ادائیگی گا اختیارات جیسی خصوصیات ہیں یا ایپ صارفین نانہ اپنا بجلي گا کھاتاں نانہ کسے وی ویلے کدے وی صرف چند منٹاں مانہ منظم کرن گو اختیار دے۔

GYANPATH DESIGN

غا تعاون تیں گیان MYGOV.IN یوم آزادی ۲۰۲۵ کی تقریبات غا سلسلہ مانہ وزارت دفاع تے پتھ ور نقشہ بنان غو مقابلو منعقد کیو جارہو ہے۔ یوہ مقابلو ایکمئی تیں ۵۱ مئی توڑی جاری رہ غو۔ اس مقابلہ گو مقصد نوجواناں تے عوام مانہ حُب الوطنی گا جذبہ نانہ پیدا کرنو ہے۔ شرکا ۷ نانہ لال قلعه مانہ این سی سی کیڈیٹس این ایس ایس رجا کاراں تے سکول غا بچاں غے زرعیے ایسو نقشو یا خاکو بنانو چاہیے جس ور بچہ عمل کریں۔ پہلا ترے جتن آلاں نانہ ۰۱ ہزار روپیہ دتا جیں گا۔ ۵۲ بہترین شرکا نانہ یوم آزادی کی تقریب واسطے دعوت نامو لیے

غو- شرڪاءِ نانہہ درست ايميل تے موبائل نمبر دينا ويں ڳا تے ٿڙائين مائي گوو غي بدايت
غے مطابق هونا چاهيے۔

NEWS READ BY MOHD AKRAM

NEWS EDITOR ABHILASHA SHARMA

TECH ASST KOMAL

SKILLED TARSEM

DEO NUSRAT